

سه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات عدلیه

آبونه اولمق ایستیلر دائره عدلیه ده
اداره مخصوصه سنه مراجعت
ایتملیر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تبلیغات

قتل فعلندن طولانی کورک جزاسنه محکوماً ۱۲
رمضان سنه ۳۱۴ تاریخندبرو قلعه سلطانیه حبسخانه
سنده محبوس بولسان عبد الکرم بن حاجی علینک
معلولیتی بیغاسنجانغی مجلس اداره سی مضبوطه سیله طیب
اراپورنده بیان اولمسنه و کذاک قتل فعلندن طولانی
۸ ذی الحجه سنه ۳۱۴ تاریخندبرو کورک جزاسنه
محکوماً بیرونده محبوس بولسان احمد بن محمد الخطینک ده
معلولیتنه مبنی عفو عالی به مظهریتلری خصوصه
بالاستیدان بوکره اراده سنیه جناب خلافتناهی
شرف صدور بیورلمش اولغله برمنطوق امر وفرمان
هایون جناب ملوکانه مرقومانک تخلیه سیلیری ضمنده
عدلیه نظارت جلیله سندن ایجاب ایدنلره تبلیغات
مقتضیه ایفا قلمشدر .

مواد جزائیه به متعلق اعلاماتک محکمه و هیئت
تحریریه جه موجب سهولت اولمق اوزره خلاصه
تنظیمی حقهده قره حصار صاحب سنجانی بدایت
محکمه سی جزا دائره سی ریاستندن وقوع بولان اشعاردن
بخشله و قلمه اتان نمونه ک لقیله استفسار معامله به دائر
خداوندکارولایتی استیناف محکمه سی مدعی عمومیاکنندن
وارد اولان تحریرات اوزرینه اصول محاکمات جزائیه
قانوننک احکام عمومیه سندن استنباط اولندی اوزره
جنایاته متدائر اولان اعلاماتک اولباده طوتیلان
محاکمه ضبطنامه لرینه موافق و مطابق اولمسی مقتضی
بولمسنه نظر آصورت اشعار احکام قانونیه ایله قابل توفیق
کوریه مدیکی انجمن عدلیه دن افاده اولو جهله عدلیه
نظارت جلیله سندن مذکور مدعی عمومیلکه جواباً
تبلیغ ماده قلمشدر .

محاکمات مقدمات

جمعه قضا سنک قوزلو قریه سی اهل سندن حیدر بن
شا کرک ماده قتلندن دولای جنایتله اتهام اولنان قریه

مذکورلی محمد بن اسماعیلک حین ایقاع جرمده مراهق
بولمسی حبسیله اوچ سنه طقوز آیدنله کورکه قونلسنه
دائر سر فیجه سنجانی بدایت محکمه سی جزا دائره سندن
ویریلان ۱۸۱ نومرولی اعلام

لنقطه قضا سنک غره میسج قریه سی اهل سندن تیمور
بن بیرامی روولور قورشونیه جرح و قتل ایتمسندن
دولای جنایتله اتهام اولنان قریه مذکورلی ابراهیم
بن مصطفانک اون بش سنه مدته کورکه قونلسنه دائر
سلانیک ولایتی استیناف محکمه سی جزا دائره سندن
ایکنجی دفعه اوله رق ویریلان ۶۱۴ نومرولی اعلام

حاجی ضاهر بن مصطفی السالمی قتل ایتمسندن دولای
جنایتله اتهام اولنان ابراهیم جفانک اون بش سنه مدته
کورکه قونلسنه دائر حلب ولایتی استیناف محکمه سی
جزا دائره سندن ویریلان ۱۱۷ نومرولی اعلام

نور حال ناحیه سنک حمام محله سی اهل سندن کرد
سلیمانی قتل ایلمدی ادا قلمسندن دولای جنایتله اتهام
اولنان حیطه محمد بن محمدک اون بش سنه مدته کورکه
قونلسنه دائر توقاد سنجانی بدایت محکمه سی جزا
دائرة سندن ویریلان ۲۲۳ نومرولی اعلام

قره حصار صاحب قصبه سندن طوطی اوغلی حسینی
قتل ایلمدی ادا قلمسندن دولای جنایتله اتهام اولنان
قصبه مذکورلی آیدینی اوغلی علینک اون بش سنه
مدته کورکه قونلسنه دائر قره حصار صاحب سنجانی
بدایت محکمه سی جزا دائره سندن ویریلان ۱۱۸
نومرولی اعلام

عشاق قضا سنه تابع تانار قریه سی اهل سندن جیوه لک
اوغلی مصطفانک قتلندن دولای جنایتله اتهام اولنان
قریه مذکورلی ولی بن مصطفانک اون بش سنه مدته
کورکه قونلسنه دائر کوتاهیه سنجانی بدایت محکمه سی
جزا دائره سندن ویریلان ۳۸۶ نومرولی اعلام

ضبطیه مصطفی بن یوسفک دیوارینی دلهرک اموال
واشیسنی سرقت ایلمدی ادا قلمسندن دولای جنایتله
اتهام اولنان شهر بازار قضالی حسن بن احمدک اوچ
سنه مدته کورکه قونلسنه دائر سلیمانیه سنجانی بدایت
محکمه سی جزا دائره سندن ویریلان ۱۰۵ نومرولی اعلام
ریزه نک قالو حراف قریه سندن بواش اوغلی هارونی

قتل قصیدیه جرح ایتمسندن دولای جنایتله اتهام اولنان
ششمان بن خورشیدک اوچ سنه مدته کورکه قونلسنه
دائر لازستان سنجانی بدایت محکمه سی جزا دائره سندن
ویریلان ۴۷ نومرولی اعلام

باب قصبه سی اهل سندن محمد حدادک دکانی
دیوارینی دلهرک تیمورلری سرقت ایتمسندن دولای
جنایتله اتهام اولنان وحید بن محمد علینک اوچ سنه مدته
کورکه قونلسنه دائر حلب ولایتی استیناف محکمه سی جزا
دائرة سندن ویریلان ۳۱ نومرولی اعلام محکمه تمیز
جزا دائره سنجه تصدیق اولمشدر .

۱۷۵ نومرولی نسخه ده مندرج در سعادت
جنایت محکمه سی اعلامتک مابعدی :

واقع اولان استیضاح اوزرینه معاون مومی الیه
ضبط سابقده اسباب ادعائیه تی تکرار و علاوه ایده جک
برشی اولمدیغنی تذکار ایلدی .

مدافعه وکیللری دخی مدافعانه مباشرتله بونلردن
لوتینک وکیل سینی بک، موکلی لوتینک ایقاع حریق
جرأتی حقهده درمیان اولنان دلائلندن اساس زورناللر
ینسک قباحت و جنجهیه متدائر دعاویده خلاقی ثابت
وساخته لکی ادا اولنجهیه قدر معتبر طومسی لازم
کلورایسه ده دعاوی جنایه ده معلومات قیلندن اوله رق
استعمال اولنه بیله جکلرینی و زورناللر مندرجاتی نه قدر
واسع اولورسه اولسون نظر قانونده مدار حکم اوله جق
برقوتی حائر اولمدق لرینی و موکلنک مساوی احوالندن
بحث ایدلمسی حریق فعلنده علینده دلیل تشکیل
ایده میه جکندن بشقه مساوی احوالک ثبوتی علینده
برقرار صدور ایتمک و کسب قطعیت ایتمک صورتیه
اوله بیلوب حالوکه بویه برقرار موجود اولمدیغنی
و موکلی لوتینک دیمستوقلی ایله شرکتی مفقود اوله رق
انجق مسکرات صالتدینی صورتده بر حصه الموق کی بر
اورتاقلق موجود اولمسی عقد شرکت ایتمک لرینه دلیل
اتخاذ ایدیه جکنی ولوتینک حریق فعلنده دخلی اولسه
وقعه کیجه سی محترق دکانده قالمیه رق خانه سنه کیمسی
ایجاب ایده جکی جهته دکانده بولمسی علینده دکل بلکه



لبنه استعمال اولنه جغنی و ماتونیتای اولسی ضرورتنه دلالت ایتیه جکندن دکانده یا تمسندن و ماتونیتای اولسندن بحث ایدلسی توهمدن عبارت بولندیغنی و سیغورطه مسئله سه کنجه هر فرد اموالی ضرر و خساردن وقایه ضمننده تأمیناته ربطه مجبور بولمسنه ولونی ده اشیای سیکن بیک فرائق یعنی اوچوز عثمائی لیرایی مقابلنده سیغورطه ایتدیر مسنه و شاهدلردن برجونی دکانده دزت بش یوز کسور لیرا راده سنده مال اولدیغنی و خصوصیه مرانغوز طناشک جامکانلرک یوز یکریمی لیرایه اعمال ایدلر بیک مع القسم سوللرینه نظراً موکلی لوئیک حریقدن بر منفعت تأمین ایدمه چکنی و ذاتاً سیغورطه قومانیه لری منفعت تأمین ایتوب ضرر و خساری تضمین ایتکده اولدقلری ولونی اموالک سیغورطه لری اولدیغنی دکان صاحبانندن کتم ایتامش و دکان صاحباری طرفندن کندوسنه مراجعت وقوع بولماش ایدوکی ولوئیک سیغورطه قومانیه سیله فسخ مقاوله ده تعلل کوستر مسیده قسطیک قول مجرندره قاهره قسطیک بو افاده سی حکمه اساس اوله میه جغنی و مرقوم قسطیک افاداتی یکدیگر برنه میان بولندیغنی و محترق دکانک قیومی پانده ایجه تحته برده ایله تقریق ایدلش دکانده اقامت ایدن و دکانده کی اشیای ایتکیوز لیرا مقابلنده سیغورطه یه قومیش و حریقدن ایک کون مقدم دکانی تخلیه ایتش اولان یانی دخی بو حریقدن طولانی تحت استطاقه انهنه و محترق دکانک آرقه جهتنده مقدما بقاللق و شمدی دیگر محله ده قهوه جیلک ایدن یاقونک بقال دکانی دروندن آتش ظهور ایتش اولسنه کوره دخی بوشکرله جی دکانی حریقک آخر محلدن ایقاع ایدلسی احتالی موجود اولدیغنی ولوئیک سکر حال اوله رق حقی بک ایله برلکده زقافده کز مسی و حریقک و قومی زماننده آشوری درجه ده سکر حال اولدیغک وقایه اوزرنده یا تمقده بولندیغک خبر ویرلسی و ادا شاهدلردن بریسک محل حریقده کوریلان غاز تنکسنده صوملو اولدیغنی سولسی و بوبولده حریق جرمی ایقاع ایدنلرک اناری کتمه چالیده جقلرینک بدیی اولسی موکلی لوئیک مصومینه دلیل تشکیل ایتکده بولندیغنی سرد ایله مرقوم لوئیک برانته قرار ویرلسی طلب ایدلی .

دیمستوقلینک وکیللردن شابوح افندی دخی موکلی دیمستوقلینک حریق جرمه اشتراکته دائر در میان اولنان دلائل لوئی ایله شرکت تخیاریده بولنسی و یکجبار حریق اعلان ایچون باغردقلری زمان محل حریق قوشوب کلامی و حریقدن مقدم لوئی ایله کورشمی و اموالی درکندن فضله فیأله سیغورطه یه قومی و محترق دکان صاحبارینه قارشو

سیغورطه سی کتم ایتسی کی احوالندن عبارت اولوب حالبوکه دیمستوقلی یه فاعل مشترک دینلک ایچون حریق ایقاع ضمننده بر حرکت فعلیه سی کورلک لازم کله جکنی و بوبابده استماع ایدیلان شاهدلر ایسه دیمستوقلینک دکاندن جقوب کیتدیکی و وقعه زمانی خانه سنده اولدیغنی و شاهد بدرونده دیمستوقلینک دکان قیومی اوکنده لوئی ایله قونوشدیغنی سولیبوب حریق ایقاع ایدیه جکنه دلالت ایدیه جک صورته قبل الحریق دکاندن مال قاچیرمق کی بر حالی خبر ویرلماکده بولندیغنی و موکلک محل حریقده بولندیغک خبر ویرلسی لوئی ایله دیمستوقلینک شریک اولدقلری میدانه قوبه رق قدح صریقانه شریک لری اولسک حریقده اشتراک لری استازام ایتیه جکنی و بالفرض لوئی و دیمستوقلی شریک اولسه لریله حریق فعلنده فاعل کیم ایسه قانوناً جزا اکا ترتب ایدیه جکنی و دیمستوقلینک حکم آلتیه آلتش بر فعلی اولدیغنی جهته کندوسنه سؤ حال ایتیلندن دینله میه جکنی و سیغورطه یه کی ایتسی مسئله سی ایسه مهملرک فعلندن متضرر اولش اعتقادنده بولنان مال صاحبانلرک قولنده قالدیغندن آنلرک شهادتیه بنای حکم قانوناً غیر جائز ایدوکی و دکانک ایچ طرفنده تحته وجوملک بارجه لری بولنسک دخی بونلرک هر اولک ایچنده بولنه یلور شیردن اولدیغندن دیمستوقلینک حریق فعلنده اشتراکته دلیل عد ایدیه میه جکنی و موکلک محترق دکانده کی اشیای اوچ یقی دزت سنه دنبرو یوز اوتوز لیرا مقابلنده سیغورطه لری اولوب شو حریقده منفعتی اولسی حریقک کندی طرفندن ایقاع ایدلر بیکه دلالت ایتیه جکندن بشقه سیغورطه بدلی اشیانک درکندن فضله اولسه بیله سیغورطه مأمور لری بعد الحریق تبیین ایدیه جک مقداری تأدی ایدیه جکلرینک بدیه یانندن کورنیدیکی و موکلک محترق دکانده کی اشیای ایچ یوز تبش یوز سکان لیرا ایله تدارک اولنه بیله جکنی و دکاتیلرک جمله سی دکا نلری دیگرنه دور ایتدیکی زمان پشماللق نامیه یاره آللرینه نظراً حریق و قوعیه موکلک پشماللقدن محرومیتی کندوسک شو حریقدن متضرر اولدیغنه دلیل کافی ایدوکی و دیمستوقلی ایله لوئیک ماللری سیغورطه ایتدیر دکلی قومیانیه لری آری آری قومیانیه لری اولمسیده شرکتلری اولدیغنه دلالت ایدیه جکنی و دیمستوقلینک یاغنی ایشامی در نیجه او شوده بولمسندن وهان محل حریق کله مامی البسه سنی کیمک ایچون اون بش دقیقه قدر وقت غائب

ایتمسندن نشئت ایتدیکی جهته بونلر علیه نه استعمال ایدیه میه جکنی بیان و مرقوم دیمستوقلینک دیگر وکیل خبار سوم افندی دخی ادا شهودندن هیچ برسی موکلی دیمستوقلینک حریق فعلنده اشتراکی اولدیغنه دائر شهادته بولندقلری و شاهدلردن بدروس استطاق دائره سنده وقعه دن یارم ساعت مقدم لوئی ایله دیمستوقلینک دکان اوکنده کورشدقلری سولش اولدیغنی بوفاده سی حضور محکمه ده تکذب ایتدیکی و قوندق بولنق کی قصداً حریق جرمسک دلائل مادیه سی دخی موجود اولدیغنی و شاهدلردن بعضی محترق دکانده دیمستوقلینک تبش سکان لیرالقی مالی اولدیغنی اخبار ایدیلور ایسه لده بونلر مالک قیمتی تقدیره صلاحیتدار اولدقلری کی ایچلردن چالغی سرکر دایما راشد افندسک غاز بنوسنده چالغیچلک ایتکده بولندیغندن راشد افندسک تعلیاتیله بوبولده شهادته بولنش اوله جغنی و احمد بک ایله خدمه دن نوری اغا دخی دکانده کی مالی حریقدن یکریمی کون یاخود بر ماه مقدم کورمش اولدقلردن بونلرک افاده لری دیمستوقلی یه استعمال ایدلماک ایجاب ایدیه جکنی و دکان صاحبانلرک بو حریقدن طولانی دیمستوقلی یه خصوصتاری اولدیغنی روش افاده لرندن اکلا شل مقده بولنوب بونلرک افاده لرینک ایسه حکمه اساس اتخاذ ایدیه میه جکنی و دکان صاحباری لوئی ایله دیمستوقلینک شرکتلری راشد افندسک ایشتمش اولدقلری و دیمستوقلینک لوئیک سوه شهرتندن معلوماتی اولما یغنی و احوال موجوده دیمستوقلینک مصومیتی اثباته کافی بولندیغنی در میان ایله موکلارینک برانته قرار اعطاسی استدعا و عند الاستیامهم لوئی و دیمستوقلی دخی برده جکلری اولدیغنی انبا ایتلر ایله محاکمه ک ختام بولدیغنی اکلا دیلوب ایچق ساعت اون بری کچمی واورا قک کزتی جهته مطالعه و تدقیقه و مذاکره کاکاله وقت غیر مساعد اولدیغندن بالمذاکره حاصل اوله جق قرارک تفهیمی یوم آخره تعلیق ایدیلرک تشرین آئینک بکر منجی صالی کونی محکمه نک مذاکره اوطه سنده بالاجتماع متهملرک حریق جرمیه تجریمته دائر اولان مدعی عمومی معاونتک مدعیانی و متهملرک حریقک کندی طرفلردن ایقاع ایدیلر بیکه متدائر افادات و بیاناتی و مدافعه وکیللرینک موکلارینک براتلری متضمن مدافعاتی حقه نه تحدیق انظار و اوراق تحقیقه وضوابط محکمه مکرراً بعد المطالع و التدقیق تعمیق افکار ایدیلرک کیفیت مذاکره اولندقه محکمه ده مجاوه لرندیه متهملردن لوئی حریقک کندوسک دکانده بولندیغنی بر زمانده وقوعه کلدیکی و مقدمه یارمق قوده خطاه وقوعه کلان بر حریقدن طولانی توقیف ایدلر بیک و دیمستوقلینک بولندیغنی

دکانه شریک صفتیه و درت لیرا اجاره ایله دخول ایدرک بر قاج کون سکره مالی سیغورطه ایتدیردیکی مالی سیغورطه ایتدیردیکندن اون بش اون الی کون سکره دکان محترق اولدیغنی و محترق دکانده یوز کریمی لیرالقی موئیا و عشرت اولدیغنی حلاله سکر بیک فرائقه سیغورطه ایتدیردیکی و یکریمی بکریمی بش لیرا قدرده مدیون بولندیغنی افاده و دیمستوقلیده دکانده عشرتی لوئی ایله برلکده صاندقلری و دکان صاحبارینه بر قاج آلیق بورجی بولندیغنی و اون سنه مقدم بردکانی ده ایددیغنی حکایه و استماع اولنان ادا شاهدلردن بولیس چاوشی توفیق افندسک حریقک ظهوری خبر ایله رق محترق دکانک قیومی اوردقلری حلاله آچیلدیغندن قیوی قیویو ایچری کیردکلرندیه چقو لکن ایچنده بولسان برما بک علو ایله یا تمقده اولدیغنی کوردرک لری و سوندلرک ایچون طیشاری یه چقارده جقلری اناده لوئیک لکن یانه تقریه لکنک اوزرینه بالطو کی برشی اتسلیه لکنده کی مانع اطرافه دوکولوب علو زیاده لشدیکی (مابعدی کله جک نسخه یه)

بقه جق قریه سی سکنه سندن قره مانلی قنبر اوغلی اسماعیلی جرح و قتل ایدلر بیک ادعاسیله متهم بولنان یاغنی اصافندن جلال الدین حقنده اجرا قتلان محاکمه نتیجه سنده مرقومک بالتهور اسماعیلی جرح و قتل ایدلر بیک اخبارات و کندوسک منازعه یی اقرار الیسی و معاینه راپوری مندرجانی و دلائل و امارات سائر ایله ثابت اولدیغندن اول وجهله مجریمته و قانون جزایک یوز تبش دردیجی ماده سنک فقره اولاسی حکمه توفیقاً اون بش سنه مدته کورک قولسنه ۲۹ مایس سنه ۳۱۹ تاریخنده محکمه جنایته قرار ویرلشدر .

طاش قصابده عایشه صدیق خانک خانه سندن فعل سرقته جرأت ایتدکلری ادعاسیله مظلون اولانلردن عرب محمد و ایرانی یی ایله مال مسروقی بیله رک الدینی ادعاسیله مظلون علیه اولان حاجی محمدک اجرا قتلان محاکمه لری نتیجه سنده بونلردن عرب محمدک آلت مخصوصه استعمالیه فعل سرقته مجاسرت و ایرانی ییچانک دخی مرقومه یساقلق ایتدیکی و قولنوقی حاجی محمدک دخی مال مسروقی بیله رک الدینی شاهد لریک شهاداتی و معاینه راپوری مندرجانی و اشیای مسروقه دن بر قسمسک نزدلرنده ظهور ایتسی ایله ثابت اولدیغندن مرقومونک اول وجهله افسال مذکورده نک فاللری اولق اوزره مجریمت لرنه بونلر دن عرب محمدک قانون جزایک ایک یوز بکر منجی

ماده سی موجب نه کندوسنه تقدیر ایدیلان اوچ سنه کورک جزای مکرر بالجرم اولسی حبسیله قانون مزبورک سکرنجی ماده سی منطوقجه بالتضعیف الی سنه و ایرانی ییچانک دخی قانون مذکورک ایک یوز اوتوزنجی ماده سی علاوه سنک فقره ثانیه سنه توفیقاً اوچ سنه مدته لره کورک قوللرینه و قولنوقی محمدک علاوه مذکورده نک فقره اخیره سنه تطبیقاً اون بش کون مدته حبسنه ۷ جزیران سنه ۳۱۹ تاریخنده محکمه جنایته قرار ویرلشدر .

لنعه ده ساکن تبعه یونانیه دن میخالا کی یه اطاله لسان ایدن لیونجی و اسبیلدن برالتون جزای نقدی اخذینه

اشماعیلی ضرب ایدن عثمانک برهفته مدته حبسنه یاغچوان عمر افانک جاکتی سرقت ایدن سلیمانک اوچ آی حبسنه و ختام مدته ضابطه جه کفالتیه ربطه لنغلی طاشچی نیقولی یه اطاله لسان ایدن انسطا شدن برلیرا جزای نقدی اخذینه

موخانه چاده سنده ساکن تنکجی یاسنی ضرب ایدن ایساقک برهفته حبسنه

یکدیگرکی ضرب ایدن اسکدارده اونجیلر زقافنده طاقونیه جی محمد ایله کاملک برهفته حبسنه

آشچی توفیق افانک ملازم علی افندی ی ضرب ایدلر بیک ثابت اولدیغندن برهفته حبسنه

زینب خانم حریف اندازلق ایدن اغا حانمده ساکن آراهی صالح افانک برهفته حبسنه

یکدیگرکی ضرب ایدن طوغرامه جی قسطیک اون کون حبسنه و سرکزدن بر لیرا الهرق مرقوم قسطی یه اعطاسه

سرکه جی علقوی اجرای وظیفه حانده ضرب ایدن بلدی چاوشی احمد افندسک اون بش کون حبسنه اسکله حامللردن حسینک قاشچی علی ی ضرب ایدلر بیک ثابت اولدیغندن برهفته حبسنه

اسکی علی باشا جوازنده ساکن حلوای جراحی محمدی جرح ایدن حاجی محمدعلینک اون کون حبسنه سید حسن اغایه محل ناموس سوز سولیدیکی اصولاً ثابت اولان قصاب تاتار کریمک بش کون حبسنه حسین بن علی ی جرح ایدن نمونه ترقی مکتبی بقالی دره لی امین بن ییچانک اون کون حبسنه قاشچی ارزنجانی صالحی ضرب و جرح ایدن مقری کوبلی حسن بن ابراهیمک برآی حبسنه قومقوده خیرکار طناشک ، ارقداشی مانولک ساعتی سرقت ایدلر بیک ثابت اولدیغندن اوچ آی حبسنه و ختام مدته ضابطه جه کفالت آلتیه

کرمید محله سنده ساکن یورکینک چانطه سنی

سرقت ایدن غلطلی سموئیل ولد یاقوفک اوچ ماه مدته حبسنه و ختام مدته ضابطه جه کفالتیه ربطه ساخته اوله رق تذکره عثمانیه استحصال ایدلر بیک ثابت اولان قاسم باشاده عثمان بک خاننده ساکن خدمتکار محمد بن محمدک برسنه حبسنه

اجرای مأموریت حانده بولیس عزیز افندی ی تحقیر ایدن یونان دولتی تبعه سندن مرانغوز یورکدن ایک لیرا جزای نقدی اخذینه

میشونی ضرب ایدن پیری باشالی سبطایدن برلیرا الهرق مضروب ویرلسه

حسنی ضرب ایدلر بیک ثابت اولان صاری یار قهوه جیلردن رضانک برهفته حبسیله برابر مرقومدن برلیرا الهرق مضروب و اعطاسه

جهانگیرده ساکنه فاطمه خانمک ایچ و مجوهراتی سرقت ایدلر بیک اصولاً ثابت اولان طوبخانه ده کرد احمدک خانه سنده ساکنه هدیه نام خانو ک آتی آی حبسنه سزه جی علینک محی الدین افندسک خانه سنده سرقت قصیدیه کیردیکی ثابت اولدیغندن برسنه حبسنه بغیر قصد حافظ محمود افندسک مجروحیته سبیت ویردیکی ثابت اولان یانی ولد باندیلدن پالکیز اجرت جراحیه اوله رق یوز غروشک تحصینه کمر آتی مرکزنده مستخدم بولیس افرادندن قربان افندسک قالچی چراغی احمدی ضرب ایدلر بیک ثابت اولدیغندن یکریمی کون حبسنه

بالقجی استیلوی ضرب و جرح ایدن طبله کار ارکریک یکریمی کون حبسنه

قریه عتیق محله سندن قلاجی اوسته سی حسن افندسک اشیای سرقت ایدن علی بک کوبلی نظیف بن محمدک اوچ آی حبسنه و ختام مدت جزایه سنده ضابطه جه کفالتیه ربطه درسمات و بک اوغلی بدایت محکمه لری جزا دائره لرجه قرار ویرلشدر .

وزارت عدلیه

جوری قضای نای و بدایت محکمه سی رئیس سابق اولوب اسباب قانونیه دن دولانی محاکمه آلتیه آلتش اولان اسماعیل افندسک بر حقوق دعوا سنک انای محاکمه سنده طرفیندن حسن افانک و کبلی محمد شفیق افندی ی علناً تحقیر ایتسندن ناشی خصوصات سائر ایله برابر علی الاصول اجرای محاکمه سنده ادره ولایتی استیناف محکمه سی مدعی عمومیلکندن کوندربیلان اوراق تحقیقه اوزرینه مأذونیت اعطا و مذکور مدعی عمومیلک کیفیت تبلیغ و انبا قلمشدر .

الاعانات

در سعادت استيفاء مدعى عمر ميلكند:

بيك اوچيوز اون الی سنده سی تموزينك اون
يدنجی كيجه سی شيله قضاسنه تابع يكي كوی یوقاری
محل سنده مقیم یالی اوغلی آپوستولك خرمنده بغدادی
وكتانلرینی احراق ایلدیكى ادعاسیله مظنون اولوب
اولوب غیر موقوف بولان قضاء مذکور اهالیسندن
اورته بویلی الاكوزلی قمرال قاشلی قیرصاجلی سیوری
برونلی اورته اغز وعادتا چكلی بغدادی بکزیلی اوتوز
یاشلرنده چالق اوغلی دیمتری ولد یورکینك اصول محـ
کات جزائیة قانونك مواد مخصوصه سی احکامنه توفیقاً
در سعادت جنایت محکمه سنده محاکمه سی اجرا قلمق
اوزره قانون جزائک یوزالتمش بشنجی ماده سی موجبجه
جنایتله اتهامه قرار ویرلديکندن منم مرقومك
هرزده کوریلور ایسه طوتیلوب محکمه مذکوره
توقیفخانه سنده تسلیمی لازم کله چکی بالجملة ضابطه عدلیه
مأمورلرینك معلومی اولق اوزره اشواخذ وکرفت
مذکره سی در سعادت هیئت اتهامیه سندن بالتنظیم اعطا
قلندی .

ایکنجی تجارت محکمه سنده :

چارسوی کیرده ساکن ایکن ایکنجی محکمه
تجارتدن افلاسنه حکم ولتمش اولان نسیم قبائک
خصوصات افلاسیه سنك رؤیت وتسویه سی ضمانده
ظریف افندی اصالة سندیک تعین قلمش اولدیغندن
مفلس مرقوم ذمتنده اله جنی اولنلرک قانوننامه تجارتک
۱۹۹ و ۲۰۰ نجی ماده لری موجبجه تحقیق دیون ایچون
تاریخ اعلاندن اعتباراً بکرمی برکون ظرفنده سنداتی
محکمه کاتبه تسلیم ایللری ومدت مذکوره ختامندن
صکره اوچ کونده یعنی ۳۱۹ سنه سی تموزينك برنجی
صالی، ایکنجی چهارشنبه، اوچنجی پنجشنبه کونلرنده
ایکنجی محکمه تجارتک افلاس اوطه سنده کله رک سندیک
افندی مواجهه سنده آله جقارینی اثبات وقید وتصدیق
ایتدیرملری ومدت مذکوره ده اثبات وجود ایده میان
اله جقلولر حقدنه قانون مذکورک ۲۱۰ نجی ماده سنده
توفیقاً ایفای معامله اولنه جنی اعلان اولنور .

طربزده ولایتی مرکز تجارت محکمه سنده :

طربزون تجارت محکمه سندن افلاسنه حکم
اولان دیقرا در بدروسیانك ذمتنده آله جنی اثبات
ویا موقتاً قید وقبول ایتدیرمش اولان آله جقلولرک
قانوننامه تجارتک ۲۱۱ نجی و آتی ولی ایدن ماده سی
موجبجه مفلس طرفدن تکلیف اولنه جق قوتقور.

داتونک مذاکره سی ایچون اوچيوز اون طقوز سنه سی
حزیرانك دردنجی چهارشنبه کونی محکمه مذکوره ده
متشکل ماسه سنده کللری اعلان اولنور .

بولیطة قریه سنده مقیم توتون قیریحیلنی تجارتدن
افندول اوغلی بانچونک ۵ حزیران سنه ۳۱۹ تاریخندن
اعتباراً اعلان افلاسنه ومصالح افلاسیه نك رؤیت
وتسویه سی ضمانده محکمه باش کاتبی عثمان بکک ژوز
قومیسر وتجاردن حاجی علی زاده ادهم ودعوی
وکیللرندن سقراطی افندیلرک موقت سندیک تعینلرینه
واشیای بیتیه سندن فضله اموال واملاکک واوراق
ودفاترینك تحت محافظه التسنه ومفلسك حبس
وتوقیفیه بوباده کی قرارک موقه اجراسنه طربزون
تجارت محکمه سندن قرار ویرلش اولدیغندن قانوننامه
تجارتک ۱۷۰ نجی ماده سی موجبجه دائمی سندیکلر
انتخاب اولنق اوزره ۳۱۹ سنه سی حزیرانك بکرمی
ایکنجی بازار کونی ساعت بش راده لرنده اصحاب
مطلوبك محکمه مذکوره نك افلاس اوطه سنده کللری
اعلان اولنور .

یک اوغلی بدایت محکمه سی اجرا راره سنده :

انکتره دولتی تبعه سندن جون باترسون بکک
اوستریادولتی تبعه سندن مادموازل قلارا آلامی ذمتنده
بااعلام محکوم به اله جنی اولان معلوم المقدار مبالغک
تأمین استیفاسی ضمانده داین مومی الیه نامنه فراغ
بالوقا صورتیه مرهون وفروختی بک اوغلی بدایت
محکمه سی برنجی حقوق دائره سی حکم اعلامنه مستند
بولان یکی کویده پنائیاعمله سنك قاقاویه زقاغنده معلوم
الحدود تخمیناً درت یوز یتمش الی ذراع عرصه
اوزرینه منی سکر اوطه وفوقنده برتراجه التده
برکیر مخزن وصهرنج و آرقه جهتنده برمطبخ ایله
خانه مذکورک اوک و آرقه ویان جهتلرنده تخمیناً الی
یوزاللی ذراع مقداری باغچی مشتمل توسیع انتقاللو
اون نومروایله مرقم براب کارکیر خانه لدی المزیاده
اوتوز بریک غروش التون اچه بدل ایله طالعی
عهده سنده تقرر اتمش اولغله تاریخ اعلاندن اعتباراً
اوتوز برکون ظرفنده یوزده بش ضمیله طالع
اولنلرک ودها زیاده معلومات المق ایستیانلرک یوزده
اون لسنده کی دیوزیتواتقهلرینی مستصحباً بک اوغلی
بدایت محکمه سی اجرا دائره سنده مراجعت ایللری
ومتد مذکوره ختامنده یعنی شهرتموزک اون بشنجی
صالی کونی طقوزه قدر قرار داده قطعیمی کشیده
قلمق اوزره سالف الذکر خانه پیشکاهنده حاضر
بولنلری اعلان اولنور .

محتاج بدایت محکمه سی اجرا راره سنده :
چتالجه قصبه سنده مقیم ژاندارمه پیاده نفری
شهرکویلی احمد اغا ابن عمرک لازاری قریه سی مختار
سابق موسقو ولد قسطی ذمتنده ایکی قطعه اعلام
نظامی موجبجه آلاجنی اولان مبالغ معلومه نك تأمین
استیفاسی ضمانده محکوم مرقومک لازاری قریه سنده
کوی اوستنده شفتالی بیکار موقعنده جانب یمینی
صیغرمیدانی، جانب یساری دکرمان ترلاسی، جبهه سی
ینه دکرمان ترلاسی و آرقه جهتی قره جه کویلی آپوستو-
لاکی ترلاسی ایله محدود درت یوز ذراع عرصه
اوزرینه انشا اولتمش براب کارکیر یل دکرمانی تاریخ
اعلاندن اعتباراً اون بش کون صکره بالمزیاده فروخت
اولنه جنی اعلان اولنور .

سلوری قصبه سنده مقیم بقال فوطاکی ولد قناکینک
قره جه قریه سی اهالیسندن بقال لیمونی ولد انسپاش
ذمتنده برقطعه اعلام نظامی موجبجه الاجنی اولان
معلوم المقدار مبالغک تأمین استیفاسی ضمانده مدیون
مومی الیهک متصرف اولوب مقام ریاستدن حجزینه
قرار ویریلان قره جه قریه سنده پاپاس زقاغنده جانب
یمینی طریق، جانب یساری لیمونی وقرنداشلری عرصه
وخانه سی، جبهه سی طریق و آرقه طرفی دخی طریق ایله
محدود قهوه خانه بشیوز یتمش الی سهم اعتباریه ایکی
یوز اوتوز سکر سهی وینه قره جه قریه سی حدودی
داخلنده پاپاس دکرمانی موقعنده شرقاً طنغر اوغلی
بانچه سی، غرباً اصماکی اوغلی یورکینک باغ یری، شمالاً
میخلاق اوغلی اصماکی باغ یری وجنوباً یول ایله محدود
بردونم باغ یری وقشله الی موقعنده شرقاً طورولیالی
اوغلی یورکی اوغلی یانقوترلاسی، غرباً رمضان اغا
ترلاسی شمالاً کبیچی اوغلی دیمتری ترلاسی وجنوباً بالاجی
اوغلی طودوش ترلاسیله محدود بدی بچق دونم ترا
وقررصو موقعنده شرقاً قره جه کویلی اصماکی اوغلی
یورکی ترلاسی واورمانی، غرباً دره، شمالاً پترو اوغلی
یانقو ترلاسی وجنوباً یازیچی اوغلی اسماعیل اغا طاعی
ایله محدود بش بچق دونم ترا وچاوش دره موقعنده
شرقاً لیمونی اوغلی دیمتری طاعی، غرباً چاوش دره،
شمالاً وغرباً چاوش دره، شمالاً قالیونجی اوغلی پترو
طاعی وجنوباً پنابوط اوغلی خرسناکی طاعی ایله
محدود تخمیناً الی دونم اورمانك اوچ حصه دن برر
حصه لری تاریخ اعلاندن اعتباراً اون بش ومذکور
طاغ دروننده تخمیناً الی آرایه حطب اوچ کون صکره
بالمزیاده فروخت اولنه جنی اعلان اولنور .